



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj: 10-37- 1210-37 /19  
Sarajevo, 15.02.2019.godine

**SKUPŠTINA KANTONA SARAJEVO**  
**-Služba za Skupštinske poslove-**

**PREDMET:** Odgovor na zastupničko pitanje

Zastupnica Neira Dizdarević, na 4. Radnoj sjednici Skupštine Kantona Sarajevo, održanoj dana 30.01.2019. godine, u okviru tačke Dnevnog reda „Zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, postavila sljedeće zastupničko pitanje:

„U kojoj fazi je implementacija nove Uredbe o obimu, uslovima i načinu ostvarivanja prava osiguranih osoba u Kantonu Sarajevo, koju je usvojila Vlada KS sredinom 2018. godine? Kada će biti ostvareni preduslovi za podjelu GPS narukvica za djecu i osobe sa autizmom, te u kojoj fazi je registracija aparata za kontinuirano mjerenje šećera u krvi putem Agencije za lijekove i medicinska sredstva BiH?

U vezi sa postavljenim zastupničkim pitanjem, Ministarstvo zdravstva Kantona Sarajevo dostavlja sljedeći

**ODGOVOR**

Uredbom o obimu, uslovima i načinu ostvarivanja prava osiguranih lica Kantona Sarajevo na funkcionalna medicinska sredstva (“Službene novine Kantona Sarajevo”, broj 31/18) utvrđen je obim prava svih osiguranika na medicinska sredstva koja se finansiraju iz sredstava obaveznog osiguranja. Pomenutu Uredbu je Vlada Kantona Sarajevo usvojila na 135. sjednici održanoj 29.07.2018.godine. Članom 79. Uredbe regulisano je njeno stupanje na snagu i to u roku od osam dana od dana objavljivanja u “Službenim novinama Kantona Sarajeva”, a njena primjena narednog dana od dana potpisivanja ugovora sa izabranim isporučiocima.

Postupak izbora ugovornih isporučioaca Zavoda zdravstvenog osiguranja Kantona Sarajevo je trenutno obustavljen zbog uloženih žalbi dobavljača i u nadležnosti je Ureda za žalbe. Do okončanja navedenog postupka, u skladu sa članom 76., u primjeni je Uredba o obimu, uvjetima i načinu ostvarivanja prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka (“Službene novine Kantona Sarajevo”, broj 38/07, 29/08 i 40/14). Po donošenju odluke Ureda za žalbe, postupak odabira



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



isporučioća će se moći okončati, te primjeniti Uredba u punom obimu, pa i u dodjeli GPS narukvica za djecu i osobe sa autizmom.

Agenciji za lijekove i medicinska sredstva BiH, ni jedan proizvođač, niti zastupnik stranog proizvođača sa sjedištem u BiH, nije podnio zahtjev za upis u Registar medicinskih sredstava, te samim tim niko nije stekao pravo plasiranja aparata za kontinuirano mjerenje šećera u krvi na tržište BiH, u skladu sa odredbama Pravilnika o medicinskim sredstvima ("Službeni Glasnik BiH", broj 4/10).

*S poštovanjem,*

**MINISTRICA**

**Doc. dr. sci. med. Amela Sofić**

Pripremila:  
Prim. mr.ph. Edina Stević, spec., pomoćnica  
ministrice

---

Kontrolisala:  
Amra Isić, dipl.iure, Sekretar Ministarstva

---

**DOSTAVLJENO:**

1. Naslovu
2. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1

